

Powšitkowne WOZJEWJENJA

njedźelu, 19. junija 2011

Patronatne kemše w Dobrošicach

Na swjedženju swjateho Jana Křčenika, pjatk, 24. junija, su we 18.00 hodź. patronatne kemše w Dobrošćanskej cyrkwičke. Božej mši přizamknje so zabawa w stanje.

Duchowny koncert w Chróšćicach

Chór a instrumentalisća 1. serbskeje kulturneje brigady přeprašuju pjatk, 1. pražnika, na duchowny koncert do Chróšćanskeje cyrkwe. Šulerjo zanjesu twórby serbskich, francoskich, italskich a němskich komponistow. Koncert započnje so po Božej mši, kotraž je w 19.00 hodź.

Putnikowanje do Krupki

Na pěše putnikowanje do Krupki su młodostni ze wšěch wosadow přeprašeni. Procesion wotehdže njedźelu, 24. julija, z Chróšćic a wróci so pjatk, 29. julija. Zajimcy měli so najpozdzišo hač do pjatka, 1. julija, w Chróšćicach na farje přizjewić, telefonowe čisło (03 57 96) 8 04 00. Zhromadźizna putnikow je njedźelu, 3. julija, po nyšporje na Chróšćanskej farje. Tutón termin je wažnych informacijow dla za wšitkich winowatostny. Štóz so přeni raz na putnikowanju wobdželi, njesmě na žadyn pad pobrachować. Boža mša w Krupce budže srjedu, 27. julija, w 10.00 hodź.

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Budže to jubilejne 300. putnikowanje wěriwych z Warszawy do Częstochowy. Hić smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta. Zajimcy njech so přizjewja hač do njedźele, 26. junija, pola fararja Bena Jakubaša w Njebjelčicach, telefonowe čisło (0 35 78) 30 20 05.

„Andricki. Wuznaćé“ na DVD

Wumělstwowy film Wiesbadenskeje widejoweje wuměłce Sonje Toepfer „Andricki. Wuznaćé“ předleži mjeztym na DVD. Tuta hodži so přez kniharnje skazać. Film je w nadawku Drježdžansko-Mišnjanskeho biskopstwa nastał. DVD, kotraž je w Lipšćanskim nakładnistwje swjateho Bena wušła, płaći 9,95 eurow.